

Broj: 01-04-2-7/2018
Sarajevo, 10. 01. 2018.

Na osnovu člana 20. Statuta Fonda za zaštitu okoliša Federacije BiH („Službene novine Federacije BiH“, broj 33/06), direktor Fonda za zaštitu okoliša Federacije BiH d o n o s i

ODLUKU

o otkazivanju postupka javne nabavke

I

Otkazuje se postupak javne nabavke Router-a, Storage-a i Backup uređaja sa uslugom konfiguracije Router-a, implementacije Cluster-a i implementacije Backup-a, pokrenut putem otvorenog postupka nabavke broj: 01-04-2-2931/2017 od 13.11.2017. godine, broj Obavještenja o nabavci 1382-1-1-61-3-18/17 od 13.11.2017. godine, procijenjene vrijednosti u iznosu od 20.000,00 KM bez uračunatog PDV-a, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

Ova odluka objavit će se na web stranici Fonda za zaštitu okoliša Federacije BiH i stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-04-2-395/2017 od 13.11.2017. godine. Javna nabavka je sprovedena putem otvorenog postupka. Ukupna procijenjena vrijednost javne nabavke bez PDV-a bila je 20.000,00 KM. Obavještenje o nabavci broj: 1382-1-1-61-3-18/17 objavljeno je na e-Portal javnih nabavki dana 13.11.2017. godine u 12:08 sati.

Tendersku dokumentaciju preuzelo je 22 (dvadesetdva) privredna subjekta, a 1 (jedan) ponuđač je dostavio ponudu u predmetnom postupku nabavke. U skladu sa provedenim postupkom javne nabavke, ponudu je dana 04.12.2017. godine u 11:17 sati (broj protokola U-04-5459/2017) dostavio ponuđač PING d.o.o. Sarajevo, ul. Jukićeva 36, 71000 Sarajevo.

Komisija za javnu nabavku formirana Rješenjem o imenovanju komisije broj: 01-04-2-408/17 od 22.11.2017. godine (u daljem tekstu: Komisija) pristupila je javnom otvaranju ponuda dana 04.12.2017. godine u 12:10 sati, te je konstatovala da je dostavljena ponuda ponuđača PING d.o.o. Sarajevo blagovremena i prihvatljiva o čemu je sačinila Zapisnik o otvaranju ponuda, te kopiju istog dostavila navedenom ponuđaču putem faksa u skladu sa članom 63. stav (6) Zakona o javnim nabavkama (u daljem tekstu: Zakon).

U skladu sa članom 63. stav (7) Zakona Komisija je provela postupak provjere kvalifikacije ponuđača i ocjene ponude na zatvorenoj sjednici, te je nakon izvršenog pregleda i ocjene iste utvrdila da ponuda ponuđača PING d.o.o. Sarajevo broj 321/2017 od 04.12.2017. godine sa ponudjenom cijenom u iznosu od 19.936,00 KM bez uračunatog PDV-a ispunjava sve uslove propisane u tenderskoj dokumentaciji.



Nakon provedenog postupka provjere kvalifikacije ponuđača i ocjene ponude, Komisija je sačinila i dostavila direktoru Fonda za zaštitu okoliša Federacije BiH Zapisnik o pregledu i ocjeni ponuda broj: 04-2-122/17 od 04.12.2017. godine koji ujedno predstavlja i Izvještaj o radu Komisije, zajedno sa Preporukom o izboru najpovoljnijeg ponuđača broj: 04-2-123/17 od 04.12.2017. godine.

Dana 12.12.2017. godine direktor Fonda za zaštitu okoliša Federacije BiH donio je Odluku o izboru najpovoljnijeg ponuđača PING d.o.o. Sarajevo, kojom je odlučeno da se navedenom ponuđaču dodijeli Ugovor o nabavci Router-a, Storage-a i Backup uređaja sa uslugom konfiguracije Router-a, implementacije Cluster-a i implementacije Backup-a (u daljem tekstu: Ugovor), u iznosu od 19.936,00 KM bez uračunatog PDV-a, odnosno 23.325,12 KM sa uračunatim PDV-om, nakon čega je dana 22.12.2017. godine izabranom ponuđaču dostavljen prijedlog Ugovora u 4 (četiri) primjerka na potpis.

Fond za zaštitu okoliša Federacije BiH je dana 26.12.2017. godine zaprimio Zahtjev izabranog ponuđača PING d.o.o. Sarajevo, broj: 608/2017 od 26.12.2017. godine za korekcijom Ugovora u kojem je traženo da se izvrše izmjene člana 4. prijedloga Ugovora u dijelu koji se odnosi na predmet održavanja, te da tražene izmjene nisu suštinske, odnosno ne mijenjaju prirodu ili ekonomsku ravnotežu Ugovora.

Nakon Odgovora Fonda za zaštitu okoliša Federacije BiH na Zahtjev izabranog ponuđača PING d.o.o. Sarajevo, broj: 01-04-2-3844/2017 od 28.12.2017. godine u kojem je navedeno da bi se prihvatanjem navedenog zahtjeva bitno odstupilo od uslova koji su unaprijed propisani tenderskom dokumentacijom, odnosno da bi se potencijalno ugrozilo poslovanje ugovornog organa, dana 04.01.2018. godine zaprimljen je dopis izabranog ponuđača PING d.o.o. Sarajevo, broj: 01/2018 od 03.01.2018. godine u kojem isti navodi da nije u mogućnosti zaključiti Ugovor pod navedenim uslovima.

Naime, u konkretnom postupku javne nabavke nesumnjivo je da postoje dokazani razlozi koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

U tom pogledu, tačkom 5.3. tenderske dokumentacije propisano je da je sastavni dio tenderske dokumentacije nacrt ugovora, u koji su uneseni svi elementi iz tenderske dokumentacije, te da su ponuđači dužni uz ponudu dostaviti nacrt ugovora u koji su unijeli podatke iz svoje ponude, te parafirati sve listove nacrta ugovora.

S tim u vezi, Komisija je prilikom provjere kvalifikacije ponuđača i ocjene ponude na zatvorenoj sjednici, te nakon izvršenog pregleda i ocjene iste utvrdila da je ponuđač PING d.o.o. Sarajevo dostavio nacrt ugovora uz ponudu u koji su uneseni podaci iz ponude, dok su svi listovi nacrta ugovora parafirani.


Nadalje, tačkom 5.9. tenderske dokumentacije propisano je da ugovorni organ, između ostalog, dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač odbije zaključiti ugovor pod uslovima navedenim u tenderskoj dokumentaciji i ponudi koju je dostavio.

U konkretnom slučaju, Komisija je prilikom javnog otvaranja ponuda konstatovala da je dostavljena 1 (jedna) ponuda ponuđača PING d.o.o. Sarajevo koja je blagovremena i prihvatljiva, a o čemu je sačinila Zapisnik o otvaranju ponuda.

Također, ponuđač PING d.o.o. Sarajevo je putem e-Portala javnih nabavki dana 21.11.2017. godine u 16:12 sati uputio ugovornom organu pitanje vezano za pojašnjenje tenderske dokumentacije, odnosno činjenice šta se podrazumijeva pod predmetom održavanja. Odgovorom od 22.11.2017. godine dato je pojašnjenje vezano za navedeno pitanje, odnosno da se pod predmetom postupka podrazumijeva nabavka Router-a, Storage-a i Backup uređaja sa uslugom konfiguracije Router-a, implementacije Cluster-a i implementacije Backup-a za potrebe Fonda za zaštitu okoliša Federacije BiH, da je garancija za isporučeni sistem 1 (jedna) godina, te da će uslovi održavanja predmeta nabavke biti predmet novog postupka u skladu sa odredbama Zakona.

Uzimajući u obzir navedeno, odnosno činjenicu da je ugovorni organ u konkretnom postupku javne nabavke zaprimio samo 1 (jednu) ponudu ponuđača, primjenom člana 69. stav (3) Zakona, odlučeno je kao u dispozitivu ove odluke.

DIREKTOR



Dr. sci. oec. Fuad Čibukčić



Dostaviti:

- PING d.o.o. Sarajevo
- Sektor za finansije
- a/a